



Inatsisartuni ilaasortaq Kristian Jeremiassen  
Siumut  
/ Maani

## § 37 naapertorlugu apeqquummut nr. 2012-126-imut akissuteqaat Inisseeqqittarneq

Asasara Kristian,

Attartortut attartukkaminnit anisitaasimasut inisseeqqinneqartarnerat pillugu apeqquutinnut qujanaq. Siullermik apeqquutit issuarneqarluni allanneqassaaq, tamatumalu kingorna akissutigita allanneqassalluni.

Kisiannili aallarniutigalugu Kalaallit Nunaannut eqqartuussisarnermik inatsit nr. 305, 30. april 2008-meersoq innersuussutigissavara. Tassani § 633, imm. 3-mi allassimavoq: *"Eqqartuussutininik naammassisitsiniaasartup itigartitsissutigisinnaavaa inissiamik attartukkamik attartortumik anisitseqqusissut, attartortut taassumaluunniit inoqutai tamatumuuna inissaaruttussanngussappata aammalumi pissutsit anisitseqqusissuttip naammassiniarnissaanut akerliuppata"*.

1. Inissiani attartortut akiligassaqaarnertik pissutigalugu anisitaasimasut qanoq sivistutigisumik inissiani inisseeqqiffinni najugaqarsinnaappat?

AKISSUT: Tunngaviusumik piffissamik killiliisoqanngilaq, eqqartuussutininik naammassisitsiniaasartup – § 633, imm. 3 naapertorlugu – attartortuusimasut inisseeqqiffimmiit anisinnissaat itigartitsissutigisinnaammagu.

2. Inissiani inisseeqqiffinni akiliuteqarfiunngitsuni sivistunerpaaffissaliilluni ineqarsinnaaneq sulissutigineqarniarpa?

AKISSUT: Kalaallit Nunaannut eqqartuussisarnermik inatsit Naalagaaffiup akisussaaffigaa, aammalu eqqartuussutininik naammassisitsiniaasartup attartortumik anisitsinissamut itigartitsisinnaanerata atunngitsoorneqarnissaa siusinnerusukkat ajornarsimavoq.

Ikinngutinnersumik inuulluaqqusillunga

Jens B. Frederiksen

18. maj 2012  
Sags nr. 2012-065957  
Dok.nr. 911178  
Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: iaan@nanoq.gl  
www.nanoq.gl